

Այսպիսով, XIII—XIV դդ. սկսած Դիզակի դաշտից, հետզհետե թափանցում է մի նոր էթնիկ տարր և բնակություն է հաստատում Զանգեզուրում, որը նրա առաջին ներխուժման ակնատես Կիրակոս Գանձակեցի պատմագիրը բնութագրում է այսպես՝ «էին տեսեամբ կերպարանաց դժոխատես և ահագնալուր, մօրուս ոչ ունելով, բայց սակաւ ոմանց թուելով մազս ունելով ի շուրթն կամ ի՝ կլափն, ակն նեղ և արագատես, ձայն նուրբ և սուր, բաղմակեացք և տեղք»⁸։

1605—1606 թթ. Շահ-Աբասի հրամանով կատարած հայ բնակչության տեղահանությունը դեպի Պարսկաստանի խորքերը, դատարկեց հայերից գլխավորապես Այրարատյան դաշտի և նրան կից սարալանջերի մեծ մասը և գրեթե շշուշափեց Զանգեզուրը և այժմյան Լեռնային Ղարաբաղը։ Այստեղ հայերն թիվը նույնիսկ որոշ չափով ավելացավ, քանի որ, օրինակ՝ Սեանա ավազանից մի քանի իշխանական տներ խույս տալով տեղահան անող պարսկական զորքերից՝ անցան Շահդաղի և Կոնգուրդաղի շղթաների մյուս կողմը, որտեղ հնագույն ժամանակներից առկա էր խիտ հայ բնակչություն և հաստատվեցին Փոքր Կովկասի հյուսիսային լանջերին⁹։ Տեղահանությունից խույս տալու նույնպիսի ձգտումը երևի նախիջևանի կողմի հայ բնակիչների մի հատվածին հարկադրեց փոխադրվել Քոչքեգի, Բիչենաղի՝ այժմ Սիսիանի և հարևան լեռնանցքներով Զանգեզուրի լեռնաշղթայից արևելք, որով պետք է ավելի ստվարաբնակ Զանգեզուրի արևմտյան շրջանների հայ ազգաբնակչությունը, մանավանդ Սիսիան գավառում։ Հայ բնակչության այդ համեմատական խտությունն է առիթ տվել Իսրայել Օրուն դարավերջում, 1699 թվին, հոննոսյան կուրֆյուրստի, պապի ու հոռմեական կայսեր ծրագրի քննության համար մեկիքների խորհրդակցությունը հրավիրելու Անգեղակոթում, Սիսիանի խոշոր գյուղում, այդտեղի մեկը Շաֆրազի տանը։ Հայաստանի ազատագրման այդ ծրագրի քննությունից հետո, ինչպես հայտնի է, մեկիքների կողմից մի լիազորագիր տրվեց Իսրայել Օրուն, որին ստորագրել են տասը մեկիքներ¹⁰։ Այդ ցուցակը ապացուցում է, թե ինչպիսի խոշոր թվով է ներկայացված եղել հայությունը XVII դ. վերջերում ընդհանրապես ամբողջ գավառում։ Այդ հայաշատ միջավայրումն է, որ ինչպես երկու դար առաջ Տաթևի դպրոցից դուրս եկած հոգևորականների մեջ էր հղացել Սսից և Աղթամարից կրոնական կենտրոնը՝ Վաղարշապատ տեղափոխելու և էջմիածնում ընդհանուր հայոց կաթողիկոսություն վերականգնելու գաղափարը, այնպես էլ XVII դ. վերջերում այստեղ հղացավ նաև քաղաքական ազատագրման գաղափարը, ոչ միայն հղացավ, այլև առաջին փորձը արվեց այդ գաղափարի իրացման համար։ Զինված ազատագրական շարժումը Դավիթ Բեկի առաջնորդությամբ ծայր առավ Զանգեզուրում և սկզբում հաջողություն ունեցավ այն պատճառով, որ այդտեղի հայ բնակչությունը խոշոր զանգված էր կազմում, ֆեոդալական կազմակերպությամբ ներքուստ շաղկապված զանգված, մեկիքական տների գլխավորությամբ դարերի ընթացքում իր ռազմական ունակությունն ու հմտությունը իր մեջ ուժեղ պահպանած զանգված։ Ողել են դեպքեր, որ այդ զանգվածի այս կամ այն հատվածը կրո-

⁸ Կիրակոս Գանձակեցի, գլ. ԼԲ, էջ 160։

⁹ Հմմտ. Հովհաննիսյան Աշ., Գեղամայ և Մարայ մեկիքների տոհմը, «Բանբեր», 1921—1922, գլ. ԱԲ, էջ 109։

¹⁰ Эзов Г. А., Сношения Петра Великого с армянским народом, СПб, 1898, էջ 20։